



INUIT ATAQATIGIIT INATSISARTUNI

Ulloq:19.02.09

Inatsisartut Suleriaasianni § 36, imm. 1 naapertorlugu Naalakkersuisunut apequtit imaattut matumuuna saqqummiuppakka:

Naalakkersuisunut apequtit:

1. **Namminersornerullutik Oqartussat inissiat ingerlassaat, sulisunut utaqqiisaasumik inigitinneqartut maannamut qassiuppat?**
2. **Sulisunut inissiat Namminersornerullutik Oqartussat sulisorisaannut, utaqqiisaagallartumik inigitinneqatut, Namminersornerullutik Oqartussanut qanoq aningaasartuutaappat?**
3. **10-40-50 atorlugu inissiat namminersortunit imaluunnit allanit sanatinneqarsimasut, Namminersornerullutik Oqartussanit utaqqiisaasumik sulisunut attartortinneqarpat qassiupallu?**

(Inatsisartuni ilaasortaq Olga P. Berthelsen, Inuit Ataqatigiit)

Tunngavilersuut:

Apequtit qulaani taaneqartut paaserusuppakka, maannamut inissaaleqinerujussuaq eqqarsaatigalugu qularnanngimmat aningaasarpasuit, utaqqiisaasumik inissianut atorneqartartut.

Tuapannguani inissianik isaterinerup kingunerisaanik inuppasuit, inissianut assigiinngitsunut nutsertinneqarput. Soorunami inissiat isatikkat taamak amerlatigineri eqqarsaatigissagaanni, nuummi inissiat nutserfittut aamma utaqqiisaasumik inigitinneqatut amerlasoorpasuit atorneqarput. Taamatumap kingunerisaanik inissiat amigaataasut amerlasoorpassuuneri naluneqanngilaq.

Nuummi 10-40-50 atorlugu sanaartortitsinerit ukiut kingulliit eqqarsaatigalugit annertuujupput. Tamakkuninnga sanaartortut amerlanersaat tassaapput, namminersortut piginneqatigiiffinngoriarlutik inissialiorsimasut. 10-40-50 atorlugu sanaartornerit inuiaqatigiit tamatta, akileraarutit aqutigalugit akilersugarivagut. Taamatut sanaartortitsisimasut najugaqartussaataitanermik piumaffigineqanngillat, tamannalu tunngavigalugu inissialiortitarisatik akisoorsuannorlugit attartortittarpaat. Namminersornerullutik Oqartussasunut utaqqiisaasumik sulisunut inissiatut inigitinneqartut, 10-40-50 atorlugu sanaartukkanit attartorneqartarput. Tamatumap kinguneraa innuttaasut akileraarutimikkut, sanaartortitsisimasut aningaaserivinnut attartorsimasaannik akilersuisunngorsimanerat. Tamanna aaqqiivigineqartariaqarnera eqqarsaatigalugu, apequtit qulaani apeqqutigisakka, ersarissumik akineqarnissaat kissaatigaara.